



Soalan Lazim **Penganugerahan Diploma/Ijazah Secara Janji Temu**

Bil. Soalan Lazim / Jawapan

1. Apakah yang dimaksudkan dengan Penganugerahan Diploma/Ijazah secara Janji Temu?

Penganugerahan Diploma/Ijazah secara Janji Temu adalah kaedah penganugerahan yang dilaksanakan oleh UiTM bagi menggantikan Istiadat Konvokesyen UiTM tahun 2020. Melalui kaedah ini, graduan akan membuat janji temu secara dalam talian dan hadir secara bergilir mengikut tarikh dan tempat (UiTM Shah Alam atau UiTM Cawangan) yang telah dipilih. Gambar graduan akan diambil dan disatukan dengan gambar penganugerah yang telah ditetapkan.

2. Mengapa Penganugerahan Diploma/Ijazah secara Janji Temu ini dilaksanakan?

Berikutan penularan wabak COVID-19 yang masih berlaku di Malaysia dan di seluruh dunia, UiTM perlu menetapkan satu kaedah baharu penganugerahan yang bersesuaian dan mematuhi prosedur operasi standard (SOP) yang ditetapkan oleh kerajaan. SOP ini perlu memberi keutamaan kepada aspek keselamatan, kesihatan, kos dan tempoh masa. Pelaksanaannya mengambil kira SOP yang ditetapkan oleh Majlis Keselamatan Negara (MKN) dan Kementerian Kesihatan Malaysia (KKM) serta arahan-arahan Kerajaan.

Bilangan graduan UiTM yang ramai merupakan salah satu faktor kepada pelaksanaan Penganugerahan Diploma/Ijazah secara Janji Temu. Secara puratanya, jumlah graduan UiTM bagi satu sesi konvokesyen adalah seramai lebih kurang 25,000 orang. Istiadat Konvokesyen UiTM lazimnya dilaksanakan sebanyak dua kali setahun. Sekiranya pelaksanaan Penganugerahan Diploma/Ijazah secara Janji Temu ini tidak dilakukan, jumlah graduan UiTM akan meningkat pada setiap sesi berikutnya.

3. Siapakah yang terlibat dengan Penganugerahan Diploma/Ijazah secara Janji Temu ini?

Graduan UiTM bagi sesi Konvokesyen Ke-92 yang berjumlah 22,834 orang.

Bil. Soalan Lazim / Jawapan

4. Bilakah Penganugerahan Diploma/Ijazah secara Janji Temu (sesi konvokesyen ke-92) dilaksanakan?

- Tarikh : 7 November 2020 hingga 9 Januari 2021 (tertakluk kepada pindaan)
- Masa : 8:00 pagi hingga 5:00 petang (termasuk hari Sabtu, Ahad dan cuti umum)


5. Di manakah Penganugerahan Diploma/Ijazah secara Janji Temu dilaksanakan?

	KAMPUS
01	UiTM Shah Alam
02	UiTM Cawangan Johor
03	UiTM Cawangan Melaka
04	UiTM Cawangan Perlis
05	UiTM Cawangan Pulau Pinang
06	UiTM Cawangan Negeri Sembilan
07	UiTM Cawangan Terengganu
08	UiTM Cawangan Kedah
09	UiTM Cawangan Sabah
10	UiTM Cawangan Kelantan
11	UiTM Cawangan Sarawak
12	UiTM Cawangan Pahang
13	UiTM Cawangan Perak

Graduan boleh menghadiri sesi penganugerahan di kampus terdekat tanpa mengambil kira tempat pengajian.

Bil. Soalan Lazim / Jawapan

6. Bagaimana proses Penganugerahan Diploma/Ijazah secara Janji Temu dilaksanakan?



7. Bagaimanakah permohonan Penganugerahan Diploma/Ijazah secara Janji Temu boleh dilakukan?

Permohonan boleh dibuat melalui Sistem Janji Temu Penganugerahan Diploma/Ijazah. Sistem akan dibuka mulai 1 hingga 14 Oktober 2020. Pautan sistem boleh diperolehi di laman sesawang <https://konvokesyen.uitm.edu.my/v1/>

8. Berapa lamakah proses Penganugerahan Diploma/Ijazah secara Janji Temu dilaksanakan?

Proses pelaksanaan kaedah ini mengambil masa antara 7 hingga 15 minit.

9. Sekiranya telah menetapkan tarikh janji temu, tetapi tidak dapat hadir, apakah yang boleh dilakukan?

Sesi fotografi boleh dibuat di studio UiTM Photo Centre, UiTM Shah Alam pada tarikh dan masa yang akan ditetapkan oleh pihak UiTM Photo Centre. Sila berhubung dengan pegawai berikut:

1. Encik Mohd Shahrizal Mat Hussin
Pengurus
UiTM Photo Centre
Tel : 03-55438431
Emel : shahrizal123@uitm.edu.my

Bil. Soalan Lazim / Jawapan

2. Encik Rosmayni Jamali
Jurufoto
UiTM Photo Centre
Tel : 03-55438431
Emel : rosmayni@uitm.edu.my

10. Bolehkah graduan menukar lokasi atau tarikh janji temu yang telah dibuat?

Tidak.

11. Apakah SOP yang ditetapkan bagi menghadiri penganugerahan secara janji temu ini?

- i. Isi Borang Deklarasi Saringan Risiko COVID-19 UiTM secara dalam talian.
- ii. Pendaftaran melalui aplikasi MySejahtera.
- iii. Sentiasa memakai pelitup muka (*face mask*).
- iv. Sentiasa membersihkan tangan (*hand sanitizer*).
- v. Penjarakan fizikal sekurang-kurangnya 1 meter.
- vi. Mematuhi ketetapan Kementerian Kesihatan Malaysia (KKM), Majlis Keselamatan Negara (MKN) dan Kementerian Pengajian Tinggi (KPT) dari semasa ke semasa.

12. Berapa ramai graduan yang dibenarkan hadir dalam sehari?

Seramai 300 graduan yang dibenarkan hadir dalam sehari secara bergilir mengikut tarikh, masa dan tempat yang ditetapkan.

13. Adakah graduan dibenarkan hadir sekiranya belum menjelaskan yuran konvokesyen?

Tidak. Graduan perlu menjelaskan yuran konvokesyen dan denda (jika ada) sebelum membuat permohonan janji temu.

14. Adakah graduan perlu memulangkan jubah pada hari yang sama selepas sesi Penganugerahan Diploma/Ijazah secara Janji Temu?

Ya. Walau bagaimanapun, graduan boleh membuat pemulangan pada hari berikutnya dengan caj sewaan seperti contoh berikut:

- Hari Janji Temu (7/11/2020) : Tiada kenaaan bayaran.
Hari kedua (8/11/2020) : **RM2.00**
Hari ketiga (9/11/2020) : RM30.00 + RM2.00 + RM2.00 = **RM34.00**
Hari keempat (10/11/2020) : RM30.00 + RM2.00 + RM2.00 + RM2.00
= **RM36.00**

Bil. Soalan Lazim / Jawapan

Nota:

Bayaran akan bertambah sebanyak RM2.00 mengikut bilangan hari peminjaman.

15. Di manakah tempat pemulangan jubah yang lewat dipulangkan?

- **UiTM Shah Alam:**
Bilik Jubah Graduan, Aras 1, Dewan Agung Tuanku Canselor (DATC) pada tarikh dan masa yang ditetapkan.
- **UiTM Cawangan:**
Bahagian Hal Ehwal Akademik, UiTM Cawangan pada tarikh dan masa yang ditetapkan.

16. Bilakah skrol dan transkrip akan diserahkan?

Skrol dan transkrip akan diserahkan selepas jubah dipulangkan.

17. Apakah yang perlu dilakukan sekiranya skrol dan transkrip telah diambil sebelum sesi penganugerahan diadakan?

Skrol dan transkrip perlu dibawa semasa sesi penganugerahan. Serahkan kepada petugas di Kaunter Pendaftaran dan tuntutan semula di Kaunter Pengambilan Skrol dan Transkrip selepas pemulangan jubah.

18. Berapa ramai bilangan ahli keluarga yang dibenarkan untuk menghadiri Penganugerahan Diploma/Ijazah secara Janji Temu?

Setiap graduan dibenarkan membawa dua (2) orang ahli keluarga sahaja.

19. Berapakah kapasiti penumpang kenderaan yang dibenarkan masuk ke kampus bagi sesi Penganugerahan Diploma/Ijazah secara Janji Temu?

Setiap kenderaan dibenarkan maksimum empat (4) orang penumpang sahaja iaitu:

- Graduan – 1 orang
- Ibu bapa/ahli keluarga – 2 orang
- Pemandu (ahli keluarga/teksi/e-hailing) – 1 orang

20. Adakah saya boleh memilih untuk tidak menghadiri Penganugerahan Diploma/Ijazah secara Janji Temu?

Ya. Graduan boleh memilih untuk tidak menghadiri Penganugerahan Diploma/Ijazah secara Janji Temu.

Walau bagaimanapun graduan digalakkan untuk hadir bagi mengabadikan kenangan sebagai graduan UiTM melalui gambar penganugerahan yang akan diterima.

Bil. Soalan Lazim / Jawapan

- 21. Adakah terdapat sebarang yuran untuk Penganugerahan Diploma/Ijazah secara Janji Temu?**

Tidak. Graduan hanya perlu menjelaskan yuran konvokesyen mengikut peringkat pengajian masing-masing (sekiranya belum dijelaskan).

- 22. Sekiranya saya memilih untuk tidak menghadiri Penganugerahan Diploma/Ijazah secara Janji Temu, adakah saya masih boleh mendapat sijil Diploma/Ijazah pengajian saya?**

Boleh. Sila lengkapkan Borang Permohonan Tuntutan Skrol yang boleh diperolehi di laman sesawang <https://konvokesyen.uitm.edu.my/v1/> dan e-melkan kepada staf yang bertanggungjawab mengikut fakulti/program masing-masing.

- 23. Sekiranya saya mempunyai soalan tambahan yang tidak dinyatakan dalam soalan-soalan lazim, bagaimana saya boleh berhubung dengan pihak UiTM?**

Sila berhubung dengan pegawai berikut:

1. Puan Aminah binti Aman
Timbalan Pendaftar
Bahagian Rekod Pelajar dan Konvokesyen
Tel : 03-55443110
Emel : aminaham@uitm.edu.my
2. Puan Rozani binti Mohd. Noh
Penolong Pendaftar Kanan
Bahagian Rekod Pelajar dan Konvokesyen
Tel : 03-55443114
Emel : roza@uitm.edu.my

Keluaran: 29 September 2020 Universiti Teknologi MARA